

**FRAMKVÆMDARREGLUGERÐ FRAMKVÆMDASTJÓRNARINNAR
(ESB) 2022/502**

2022/EES/72/26

frá 29. mars 2022

**um breytingu á framkvæmdarreglugerð (ESB) nr. 1321/2013 að því er varðar nafn leyfishafa fyrir
reykbragðefnið „Scansmoke PB 1110“ á forstigi framleiðslu (*)**

FRAMKVÆMDASTJÓRN EVRÓPUSAMBANDSINS HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 2065/2003 frá 10. nóvember 2003 um reykbragðefni sem eru notuð eða eru ætluð til notkunar í eða á matvælum ⁽¹⁾, einkum 11. gr.,*og að teknu tilliti til eftirfarandi:*

- 1) Hinn 1. október 2021 lagði Azelis Denmark A/S (hér á eftir nefnt „umsækjandinn“) fram umsókn í samræmi við 1. mgr. 11. gr. reglugerðar (EB) nr. 2065/2003 með beiðni um að breyta nafni leyfishafans fyrir reykbragðefnið „Scansmoke PB 1110“ á forstigi framleiðslu, eins og það er sett fram í framkvæmdarreglugerð framkvæmdastjórnarinnar (ESB) nr. 1321/2013 ⁽²⁾.
- 2) Í umsókninni lýsti umsækjandinn því yfir að framselja ætti leyfið fyrir reykbragðefninu „Scansmoke PB 1110“ á forstigi framleiðslu til proFagus GmbH. Til stuðnings þeirri yfirlýsingu lagði umsækjandinn fram samning milli sín og proFagus GmbH um framsal á reykbragðefninu „Scansmoke PB 1110“ á forstigi framleiðslu.
- 3) Tillögð breyting á leyfishafa er eingöngu stjórnsýslulegs eðlis og felur ekki í sér nýtt mat á viðkomandi vöru.
- 4) Því ætti að breyta framkvæmdarreglugerð (ESB) nr. 1321/2013 til samræmis við það.
- 5) Til að tryggja snurðalaus umskipti er viðeigandi að kveða á um að halda megi áfram að setja á markað og nota reykbragðefnið „Scansmoke PB 1110“ á forstigi framleiðslu, sem og reykbragðefni unnin úr því og matvæli sem innihalda þau, sem uppfylla reglurnar sem gilda fyrir gildistökdag þessarar reglugerðar, þar til fyrirliggjandi birgðir eru uppnar.
- 6) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um plöntur, dýr, matvæli og fóður.

SAMÞYKKT REGLUGERÐ ÞESSA:

*1. gr.***Breyting á framkvæmdarreglugerð (ESB) nr. 1321/2013**

Í töflunni í viðaukanum við framkvæmdarreglugerð (ESB) nr. 1321/2013 er færslunni um reykbragðefnið „Scansmoke PB 1110“ á forstigi framleiðslu breytt sem hér segir:

- 1) í þriðju línu, „Nafn leyfishafa“ koma orðin „proFagus GmbH“ í stað orðanna „Azelis Denmark A/S“,

(*) Þessi ESB-gerð birtist í Stjttíð. ESB L 102, 30.3.2022, bls. 6. Hennar var getið í ákvörðun sameiginlegu EES-nefndarinnar nr. 236/2022 frá 23. September 2022 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn (bíður birtingar).

⁽¹⁾ Stjttíð. ESB L 309, 26.11.2003, bls. 1.

⁽²⁾ Framkvæmdarreglugerð framkvæmdastjórnarinnar (ESB) nr. 1321/2013 frá 10. desember 2013 um skrá Sambandsins yfir leyfið reykbragðefni á forstigi framleiðslu, til notkunar sem slík í eða á matvæli og/eða til framleiðslu á afleiddum reykbragðefnum (Stjttíð. ESB L 333, 12.12.2013, bls. 54.).

- 2) í fjórðu línu, „Heimilisfang leyfishafa“ koma orðin „Uslarer Str. 30, 37194 Bodenfelde, ÞÝSKALAND“ í stað orðanna „Lundtoftegaardsvej 95, 2800 Lyngby, DANMÖRK“.

2. gr.

Umbreytingarráðstafanir

Halda má áfram að setja á markað og nota reykbragðefnið “Scansmoke PB 1110” á forstigi framleiðslu, eins og það er sett fram í viðaukanum við framkvæmdarreglugerð (ESB) nr. 1321/2013, sem og reykbragðefni unnin úr því og matvæli sem innihalda reykbragðefnið á forstigi framleiðslu eða reykbragðefni á forstigi framleiðslu sem eru unnin úr því, sem eru framleidd og merkt fyrir 19. apríl 2022 í samræmi við reglurnar sem gilda fyrir 19. apríl 2022, þar til fyrirbyggjandi birgðir eru uppnar.

3. gr.

Gildistaka

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 29. mars 2022.

Fyrir hönd framkvæmdastjórnarinnar,

Ursula VON DER LEYEN

forseti.
